

全上古三代秦漢三國六朝文

全晉文卷一百二十九

烏程嚴可均校輯

殷融

融字洪遠陳郡長平人咸和初爲廣亮都督府司馬後爲丹陽尹遷尚書穆帝時拜太常卿吏部尚書有集十卷

上言奔赴山陵不須限制

司徒西曹屬王濛曰周年爲限不及者除名付之鄉論臣曰爲名教興于義厚忠孝發于自然不嚴而著不肅而成者也舊禮國有大諱外任不得離部冗散之人發哀公巷初無課限有不奔之制案永平初先帝稱宣帝遺詔乃不得令子弟詣陵唯蕩陰奔赴多不建乃始爲其制已篤一時顧觀人情未有肅嫺徒興簡默正足已彰至道之不弘表臣子之不義宜遵前代聞凶行喪三日而已

通典八十八成帝崩尚書殷融上言

奏并襄陽郡縣

襄陽石城疆場之地對接荒寇諸荒殘寄治縣民戶家少可并合

之八年尚書殷融奏

顯贈刁協議

王敦惡逆罪不容誅則協之善亦不容賞若呂忠非良圖謀事失算呂此爲責者蓋在于譏議之閒耳卽凶殘之誅呂爲國刑將何已沮勸乎當敦專逼之時慶賞威刑專自己出是呂元帝慮深崇本呂協爲比事由國計蓋不爲私昔孔宣儀行父從君于昏楚復其位者君之黨故也況協之比君在于義順且中興四佐位爲朝首于時事窮計屈奉命違寇非爲逃刑謂宜顯贈呂明忠義晉書

奔赴山陵議

據周魯有喪而魯人不弔孔子所答曾子當謂國內卿大夫耳非

如今日見在方外者也

通典八十

后父不應拜后議

天性之至父子之道人倫之序君臣之義性因至親故情禮無二義緣序立故尊嚴無上易曰有父子然後有君臣有君臣然後有禮義生焉故資父事君教之至也呂貴而臣其所尊故子爵不加于父也夫呂帝皇之尊猶無臣妾父母之義況后從尊于帝而令父母執臣妾乎而鄭立復云公朝與歸寧別有二制尊卑迭用拜謁更施亦未詳斯議爲何所據

御覽一百三十五

議

自頃多難國度屢空匹夫有重疊之勞武士有執戈之勳

御覽三百五十一

殷允

允融子孝武時爲豫章太守後拜太常有集十卷

石榴賦

余已暇日散愁翰林觀潘張石榴二賦雖有其美猶不盡善客爲措辭故聊爲書之賦曰

或珠離于瑤琬或玉碎于雕觴璘彬洒映湛紫嬰絀煥若瑤英之攢鍾獻粲若靈蚌之含珠璫御覽九百七十

與徐邈書

其晨當著吉服除服不當竟此日已吉服接客當兄舊服見客邪禮曰服其除服卒事反喪服庾太尉大喪中除喪服曰恰對客終日今齋服旣同且下流宜無嫌于變吉服也竟此一日然後反喪服邪並通典九十七殷允有兄子喪應除兄服與徐邈書

杖銘

二老晨征匪杖不遠四皓降趾匪杖不反翼德扶耆匪杖焉資輔相天地匪賢而誰荃蕙雖秀才非貞質異端雖美道無立術杖必

不撓無取苴芻人貴一德勿惑穿鑿

續文獻通考六十九又略見書鈔一百三十三

祭徐孺子文

惟太元六年龍集荒落冬十月故生魄試守豫章太守殷君謹遣左右某甲奉清酌蘋合一簋單羞再拜奠漢故聘士豫章徐先生惟君資純立粹含真太和卓爾高尚道映南岳逍遙環堵萬物不干其志負褐行吟軒冕不易其樂時攜虛榻佇金蘭之眷千里命契寄生芻之詠非夫超悟身名遁世無悶者孰若是乎夫誠素自中微物爲重蘋藻是歆實過牲牢

藝文類聚三十八御覽五百二十六

殷康

康融子爲武康令遷吳興太守有集五卷

爲武康縣敎

自今郭邑居民有死喪者可令送兩垆粥

書鈔一百四十四御覽八百五十九引殷康集

明慎

犇車之上無仲尼覆舟之下無伯夷蓋言慎也御覽四百三十一

古人云驕奢人之殃恭儉福之塲御覽四百三十一

殷茂

茂融少子太元中爲國子祭酒隆安初遷太常歷散騎常侍特進左光祿大夫

上言宜令清官子姪入學

臣聞弘化正俗存乎禮教輔性成德必資于學先王所已陶鑄天下津梁萬物閑邪納善潛被于日用者也故能疏通立理窮綜幽微一貫古今彌綸治化且夫子稱回已好學爲本七十希仰已善誘歸宗雅頌之音流詠千載聖賢之淵範哲王所同風自大晉中興肇基江左崇明學校修建庠序公卿子弟並入國學尋備多故訓業不終陛下已聖德玄一思隆前美順通居方導達物性興復儒肆僉與後生自學建彌年而功無可名憚業避役就存者無幾

或假託親疾，真偽難知，聲實渾亂，莫此之甚。臣聞舊制國子生皆冠族華胄，比列聖儲而中者，混雜蘭艾，遂令人情恥之子貢去翔之傾羊，仲尼猶愛其禮，況名實兼喪，面牆一世者乎？若曰當今急病未遑，斯典禮宜停廢者，別一理也。若其不然，宜依舊準，竊謂羣臣內外清官子姪，普應入學，制已程課，今者見生或年在扞格，方固殊趣，宜聽其去就，各從所安，所上謬合，乞付外參議。宋書禮志太元元年國子祭酒殷茂上言通

李太后服議

太皇太后，名稱雖尊，而據非正體，主上纂承宗祖，不宜持重，謂齊

服爲安。通典八十一隆安四年太常殷茂議

殷浩

浩字淵源，或作淡，淵或作泉，源皆唐人避諱改。融兄羨之子，成帝時征西將軍庾亮引爲記室參軍，累遷司徒左長史，後稱疾屏居十年，永和中

簡文輔政徵爲建武將軍揚州刺史父憂服闋徵爲尚書僕射
不拜復爲建武將軍揚州刺史加中軍將軍都督揚豫徐兗青
五州軍事假節爲姚襄所敗坐廢爲庶人徙東陽之信安縣有
集五卷

遺王羲之書

悠悠者已足下出處足觀政之隆替如吾等亦謂爲然至如足下
出處正與隆替對豈可已一世之存亡必從足下從容之適幸徐
求衆心卿不時起復可已求美政不若豁然開懷當知萬物之情
也晉書王羲之傳

遺褚裒書

足下今之太上皇也後魏書張
晉惠傳

易象論

聖人知觀器不足已達變故表圓應于蒼龍圓應不可爲典要故

寄妙述于六爻六爻周流唯化所適故雖一畫而吉凶竝彰微一則失之矣擬器託象而慶咎交著繫器則失之矣故設八卦者蓋緣化之影迹也天下者寄見之一形也圓影備未備之象一形兼未形之形故盡二儀之道不與乾坤齊妙風雨之變不與巽坎同體矣

世說文學篇注

殷仲堪

仲堪融孫孝武時爲著作佐郎冠軍謝玄鎮京口請爲參軍遷長史領晉陵太守父憂服闋召爲太子中庶子領黃門郎尋爲振威將軍都督荆益寧三州諸軍事荊州刺史假節鎮江陵坐事降號鷹揚將軍又坐水災復降號寧遠將軍安帝時爲桓玄所敗自殺有毛詩雜義四卷集十二卷

游園賦

爾乃杖策神游已詠已吟落葉掩蹊果下成林

御覽八百二十四

將離賦

爾乃理轡杖策或乘或步行悲歌曰諧歡朗長嘯曰啟路載文類聚十九

太子令

朝廷遂爲吾營室顧吾不才而大興役費深用愧惕冬氣已應作
者殊常寒苦可使監殿舍人一月資酒肉稱勞賜之吾蒙月俸錢
上生麀無所用之可曰供事御覽八百三十
六引殷仲堪集

上白鹿表

巴陵縣清水山得白鹿一頭白者正色鹿者景福嘉義載文類聚
九十五

表

賜駿馬一匹曹鈔
十九

奏請巴西等三郡不戍漢中

尚書下目益州所統梁州三郡人丁一千番戍漢中益州未肯承
遣仲堪乃奏之曰夫制險分國各有攸宜劔閣之隘實蜀之關鍵

巴西梓潼宕渠三郡去漢中遼遠在劔閣之內成敗與蜀爲一而統屬梁州蓋定鼎中華慮在後伏所已分斗絕之勢開荷戟之路自皇居南遷守在岷山衿帶之形事異曩昔是已李勢初平割此三郡配隸益州將欲重複上流爲習坎之防事經英略歷年數紀梁州已統接曠遠求還得三郡忘王侯設險之義背地勢內外之實盛陳事力之寡弱飾哀矜之苦言今華陽又清汧隴順軌關中餘燼自相魚肉梁州已論求三郡益州已本統有定更相牽制莫知所從致令巴宕二郡爲羣獠所覆城邑空虛士庶流亡要害膏腴皆爲獠有今遠慮長規宜保全險塞又蠻獠熾盛兵力寡弱如遂經理乖繆號令不一則劔閣非我保醜類轉難制此乃藩扞之大機上流之至要昔三郡全實正差文武三百已助梁州今浮沒蠻獠十不遺二如逐食鳥散資生未立苟順符指已副梁州恐公私困弊無已堪命則劔閣之守無擊柝之儲號令選用不專于益

州虛有監統之名而無制御之用懼非分位之本旨經國之遠術
謂今正可更加梁州文武五百合前爲一千五百自此之外一仍
舊貫設梁州有急蜀當傾力救之

晉書殷仲堪傳

與相王牋

奉所賜馬鎧既足已獎厲懦心又已光華遠任

御覽三百五十六

所致玉佩光潤清越

御覽六百九十二

與徐邈書

后者婦人之貴號在妻則言后在母則加大禮天子之妃稱后關

雎曰后妃之德后妃二名其義一也設使皇后處內貴妾必不可

稱妃

通典七十二

致謝玄書

胡亡之後中原子女鬻于江東者不可勝數骨肉星離荼毒終年
怨苦之氣感傷和理誠喪亂之常足已懲戒復非王澤廣潤愛育

蒼生之意也。當世大人既慨然經略，將曰救其塗炭而使理至于此，良可歎息。願節下弘之曰道德，運之曰神明，隱心曰及物，垂理曰禁暴，使足踐晉境者必無懷惑之心，枯槁之類莫不同漸天潤。仁義與干戈並運，德心與功業俱隆，實所期于明德也。頃聞抄掠所得多，皆採樵飢人，壯者欲曰救子，少者志在存親，行者傾筐，曰顧念居者吁嗟，曰待延而一旦幽縶，生離死絕，求之于情可傷之甚。昔孟孫獵而得麋，使秦西曰歸之，其母隨而悲鳴，不忍而放之。孟孫赦其罪，曰傳其子，禽獸猶不可離，況于人乎？夫飛鴉惡鳥也，食桑甚猶懷好音，雖曰戎狄其無情乎？苟感之有物，非難化也。必使邊界無貪小利，強弱不得相陵，德音一發，必聲振沙漠，二寇之黨將靡然向風，何憂黃河之不濟，函谷之不開哉？

晉書殷仲堪傳

荅徐農人問

徐農人問殷仲堪曰：禮服高祖父母，齊綴三月。若其父承重者，爲

當服周爲故自服其本服邪若服其本服不己父重而增者假如元孫持高祖重元孫之子來孫本都無服父服三年而子吉服俱非喪紀差降之義若來孫本無服而今有服則曾元孫宜己父承重而加也進退迷惑不知所行殷荅曰祖父在而祖母沒則父服厭周祖父後亡則父服三年而孫之服一定無變是知孫之于祖自有正服不己父服爲升降又疑元孫承重來孫無變案禮記有子姪之服苟恩盡親異綰冠元武非爲無變矣徐又問曰父在爲母雖服己周斷至練禪廬杖大制無虧故孫得遂其本服若父出後降祖在不杖周則孫不得同父之服明矣若父還反重又當從父升亦明矣如此升降由父不得恆自定也未有斬服不異至親而子正制三月之外或都無服者也他人同襲而爲之總綰冠元武微廂吉飾求之五服故爲無變他人之不若此所大惑也殷又荅曰父在爲母先王明義屈之己周服而情未有異也哀親故寢

苦枕由毀瘠杖而後起創巨痛深弗可頓奪故漸之曰祥練申之曰禪月此蓋有由不變其本則降矣子有降而孫得遂仲堪所謂不隨父升降者也通典九十六

水贊

大象無形氣曰分靈淡淡冲津質有雖虛清瀾可瀨明激弗渝孰能懷之汎然靡拘藝文類聚八

琴贊

五音不彰孰表大音至人善寄暘之雅琴聲由動發趣曰虛乘初學記十六藝文類聚四十四作虛漢

大聖論

天者爲萬物之根本冥然而不言百姓生而不有其功萬物成而不疲其勞聖者承天之照用天之業聖宣其道者也初學記十七

荅桓立四皓論

桓立在南郡論四皓來儀漢庭孝惠曰立而惠帝柔弱呂后凶惡此數公者觸彼塵埃欲曰救樊二家之中各有其黨奪彼與此其歸必興不知匹夫之志四公何曰逃其患素履終吉隱曰保生者其若是乎曰其文贈仲堪仲堪乃荅之曰

隱顯默語非賢達之心蓋所遇之時不同故所乘之塗必異道無所屈而天下曰之獲監仁者之心未能無感若夫四公者養志巖阿道高天下秦綱雖虐游之而莫懼漢祖雖雄請之而弗顧徒曰一理有感汎然而應事同賓客之禮言無是非之對孝惠曰之獲安莫由報其德如意曰之定藩無所容其怨且爭奪滋生主非一姓則百姓生心祚無常人則人皆自賢況夫漢曰劔起人未知義式遏姦邪特宜曰正順爲寶天下大器也苟亂亡見懼則滄海橫流原夫若人之振策豈爲一人之廢興哉苟可曰暘其仁義與夫伏節委質可榮可辱者道迹懸殊理勢不同君何疑之哉又謂諸

呂強盛幾危劉氏如意若立必無此患夫禍福同門倚伏萬端又未可斷也于時天下新定權由上制高祖分王子弟有盤石之固社稷深謀之臣森然比肩豈瑣瑣之祿產所能傾奪之哉此或四公所預于今亦無已辨之但求古賢之心宜存之遠大耳端本正源者雖不能無危其危易持苟啟競津雖未必不安而其安難保此最有國之要道古今賢哲所同惜也

晉書殷仲堪傳

酒盤銘

節宜

樂知

禮

聖

狂

節

藝文類聚七十三

爲酒

莊

誄

荆門畫掩開庭晏然

文選顏延之贈王太常詩注

合社文

夫社之爲祀遠哉故大夫曰成羣斯禱里社之興由來尚矣自喪
亂流遷舊俗隳廢今二三宗親思桑梓之遺風尊先聖之明誥潔
齊牲牢庶乎自古曰來一日之澤然三人之行必有其師故優選
中正立三老者惟公理曰御眾稽舊章曰作憲御覽五百三十二

殷仲文

仲文字仲文康子會稽王道子引爲驃騎參軍轉諮議參軍後
爲元顯征虜長史左遷新安太守桓立舉兵曰爲諮議參軍領
記室進侍中領左衛將軍立敗投義軍爲鎮軍長史轉尚書安
帝反正遷東陽太守義熙三年謀反伏誅有集七卷

罪數解尚書表

臣聞洪波振壑川無恬鱗驚颿拂野林無靜柯何者勢弱則受制
于巨力質微則莫曰自保于理雖可得而言于臣實非所敢喻昔
桓立之世誠復驅迫者眾至于愚臣罪實深矣進不能見危授命

忘身殉國，退不能辭。栗首陽，拂衣高謝，遂乃宴安昏寵，叨昧偽封。
錫文纂事，曾無獨固名義。目之俱淪，情節自茲兼靡，宜其極法。曰
判忠邪，會鎮軍將軍臣裕匡復社稷，大弘善貸，佇一戮于微命，申
三驅于大信。既惠之曰首領，復引之曰繫維。于時皇輿否隔，天人
未泰，用忘進退。惟力是視，是曰僂俛從事。自同全人，今宸極反正，
惟新告始，憲章既明，品物思舊。臣亦胡顏之厚，可曰顯居榮次，乞
解所職，待罪私門。違謝闕庭，乃心愧戀，謹拜表。目聞臣某云云。
晉書殷仲文傳疏
文類聚五十四

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷一百二十九終

全晉文卷一百三十

烏程嚴可均校輯

范宣

宣字宣子，陳畱人。徙居豫章。咸和初，太尉郗鑒引爲主簿，詔徵太學博士，員外郎，竝不就。太元中卒。有擬周易說八卷、禮記音二卷。

荅殷浩問

殷浩問范宣曰：「其士大夫之嫡者，公子之宗道也。請解其義。」荅曰：「其士大夫之嫡者，言上二宗唯施公子之身。至諸公子，有子孫各祖公子，已爲別子，各宗其嫡子，已爲大宗，代代相承，然後乃成別子之後。百代不遷之宗者，也。所已舉其士大夫之嫡者，明公子之子孫不復宗公子之宗。又嫌庶宗昆弟之子孫復爲小宗，故特舉嫡已號之也。凡母弟及庶昆弟，所謂庶宗。大宗正論其一代之嫡。

庶耳至于各有子之後長子皆成嫡也公子之宗道言公子之宗道成故重釋也

通典七十三

殷浩問范宣曰有小宗而無大宗者有大宗而無小宗者有無宗亦莫之宗者公子是也公子有宗道公子之公爲其士大夫之庶宗請解之荅曰有小宗而無大宗者謂君之諸弟同庶者君命庶長爲眾庶之宗則名小宗則服大功九月者是也有大宗而無小宗者謂君有同母弟命曰爲宗則羣庶昆弟宗之則名大宗服齊衰九月者是也昆弟既親又是庶中之正者也有無宗亦莫之宗者謂公子唯已而已則上不敢宗君下無昆弟宗已者是也公子有宗道者禮諸侯于其非正嫡一無所服則羣昆弟亦不敢相服則無相統領無相統領則不可不立宗立宗然後有服耳故云公子有宗道也公子之公公者君也此立宗君命所制嫡自相推故又舉公已明之也爲其士大夫之庶宗者此獨說庶宗者兼上總

謂有小宗而無大宗者爲混故復指解小宗之義則大宗自然了也。所曰統大夫庶宗者諸侯庶昆弟有爲大夫也。所曰正舉大夫者所宗庶長或可爲士兼大夫位尊不相宗故云爲大夫之庶宗。曰斷疑也。通典七十三

咸康末殷泉源間

案浩字淵源唐人避諱改爲深源泉源耳

天子諸侯臣致仕服有同

異。范宣荅云夫禮制殘缺天子之典多不全具。唯國君之禮往往有之。臣之致仕則爲舊君齊衰三月。天子之臣則亦然矣。天子之與國君雖名號差異至于臣子奉之與主者無殊矣。何曰明之。公羊傳曰。曰諸侯踰年稱卽位。亦知天子之踰年稱卽位。曰天子三年然後稱王。亦知諸侯于其封內三年稱子。比例如此則臣服之制同矣。通典九十

荅兄子問四祖遷主禮

舜廟所祭皆是庶人其後世遠而毀不居舜上不序昭穆今四君

號猶依本非曰功德致禮也若依虞主之瘞則猶藏子孫之所若依夏主之埋則又非本廟之階宜思其變別築一室親未盡則禘祫處宣帝之上親盡則無緣下就子孫之列

宋書禮志三

荅萬蔣問次孫傳重

萬蔣問范宣嫡孫亡無後次子之後可得傳祖重不宣荅禮爲祖後者三年不言嫡庶則通之矣無後猶取繼況見有孫而不承之邪庶孫之異于嫡者但父不爲之三年祖不爲之周而孫服父祖不得殊也

通典八十八

荅雷孝清問

雷孝清問曰爲祖母持重既葬而母亡服制云何別開門更立廡不言稱孤孫爲稱孤子范宣曰案禮應服後喪之服承嫡居諸父之上一身爲兩喪之主無緣更別開門立廡曰失居正之意至祖母練日則變除居堊室事畢反後喪之服禮無書疏稱孤子孤孫

之文今代行之合于人情稱孤孫存傳重之且宜至祖母訖服然

後稱孤子

通典九十七

答或問

或問曰曾祖墓從祖墓毀廢哭制云何范宣曰禮不見在遠直聞
墓發制唯經見改葬總此施臣子妻是承嫡者當依此禮非嫡有
降祖三日哭從祖一日哭可也

通典一百二

難段鳴諒聞議

范宣曰所已知諒闇爲凶廬者案禮葬後柱檟櫨則梁也明葬後
居廬所已爲義賜曰昔武王崩成王立周公攝政明年既葬周公
冠成王而朝于祖已見諸侯此天子卒哭除喪之證也春秋在喪
王曰小童公侯曰子既葬則無此稱此除服證也范宣難曰禮葬
後飲食衣服皆有降殺設君臣之稱安得不異賜曰春秋文八年
秋八月襄王崩九年春毛伯來求金傳曰不書王命未葬也范宣

曰禮既葬王政入于國卽君名有漸曰一朝頓除除服之義多引益惑耳。賜引僖王崩未再周惠王享晉號失禮已名位不同不議喪享而譏公侯同禮又享有籩豆之薦聘則陳幣太廟投玉兩楹此聞樂不樂食旨不甘除服證也。范宣曰朝聘之禮國有喪皆有撤損不與平同也。周禮掌客職賓客有喪唯芻稍之受是明主人設饗是儀有等級之品客受芻稍循情之事是已往往有享文耳且或有急尊王室或有安衛社稷事出無友歸于時宜事訖反服于禮何傷于啐齎示義而信已爲食旨亦其賢矣。賜引春秋僖七年閏月惠王崩九年夏王使宰孔賜齊侯昨曰天子有事于文武已爲王喪再周少五月而猶事文武明王爲卒哭除喪卽位而祭廟矣所謂烝嘗禘于廟也。宣曰夫祭祀之禮有正有變所已然者或將有所施不必一也。禱類祈禳豈一道乎武王出祔已燎豈是常郊邪天地猶然況宗廟乎禮不墓祭而尚祭乎畢又不于宗廟

而祀在垺室且禮去祧爲壇去壇爲墀而周公請命告太王曰下而三壇同墀此豈非變禮乎當襄王之時逼于王子帶不敢發喪潛使告于齊常有憂懼之色故或爲權禮于文武告請之祀非其常典故云有事于文武而不稱祧祫于宗廟也能究變正之義始可與談春秋耳

通典八十

禮二墓論

史記及孔安國說皆爲實錄未生之前不可已逆貴夫子也既長謁墓固已識其外矣但母不告其內義無強請然祔葬宜詳是已問焉記但言不知其墓非都不知也所已不應者欲言非禮則弟子有忘敬之情欲言是禮則墓不須防而固然言及宅兆是已流涕耳防亦防虞此豈地名猶傳言文公之人也無徯非無康叔之

國也

通典一百三

杜瑗

瑗咸和中爲太常博士

案別有杜瑗晉末爲交州刺史非卽此

賀僑妻于氏養兄子率爲後議

案于氏有表在後列女文類

夫所謂爲人後者有先之名也言其既沒于已承之耳非竝存之稱也率爲嫡嗣則猶吾子羣之平素言又惻至其爲子道可謂備矣而猥欲同之與爲人後傷情棄義良可悼也昔趙武之生濟由程嬰嬰死之日武爲服喪三年夫異姓名義其猶若此況骨肉之親有顧復之恩而無終始之報凡于氏所據皆有明證議不可奪

通典六十九

陳序

序咸和中爲廷尉史

賀僑妻于氏養兄子率爲後議

令文無子而養人子已續亡者後于事役復除無迴避者聽之不得過一人令文養人子男後自有子男及閭人非親者皆別爲戶

案嶠自有纂率應別爲戶通典六十九

謨

謨失其姓咸和中爲丹陽尹

于氏養兄子率爲後議

案于所陳雖煩辭博稱竝非禮典正義可謂欲之而必爲之辭者也臣案尚書閎議言辭清允析理精練難于之說要而合典上足已垂一代之式愚已爲宜如閎議通典六十九

諸葛瑒

瑒咸康中爲庾亮征西參軍

陳洗後妻之子爲前妻服議

說旣不能庇其伉儷又未審李之吉凶無感離之慘便歡會納妻悖禮傷教皆此之由又說協嚴迎李籍注二妻李亡之日乃復疑服若小人無知不應有疑及其有疑明知妻不可二生亂其名沒

疑其服喪亂已來有多此比宜齊之已法通典八十九

虞眡

眡咸康中爲庾亮征西府倉曹參軍

陳詵後妻之子爲前妻服議

庶人兩妻不合典制裁之法則應已先婦爲主服無所疑漢時黃司農爲蜀郡太守得所失婦便爲正室使後婦下之載在風俗通今雖貴賤不同猶可依準行通典八十九

王羣

羣爲庾亮征西府倉曹參軍

陳詵後妻之子爲前妻服議咸康中

李氏投身于賊則名義絕矣辱身汚行喪禮違義雖有救母之功宜已路人之恩相報不可已奉承宗廟嚴子不宜已母服之李子宜已出母居之通典八十九

通諮征西府主及僚案請詳斷從父姑服

姑姊妹無主後者反歸服經雖不及從設教必自親始曰經言則宜不降曰記論例在加服又與此姑同在他邦無餘親情所不忍準經不降不亦可乎通典九十八

荀訥

訥爲庾亮征西掾穆帝時爲太常博士領國子祭酒

駁王羣爲從父姊反服

若從姊夫沒無子無主後反服可也今已立後殯葬有主祭足下制小功之服方曰爲後者沒更與本親之情尋其始則喪非無主論其終則五月之末繼曰大功之受于制則情禮已降于服則非輕重之序通典九十九

忌月議

案禮唯云忌日不樂無忌月之文所謂忌日當是子卯今代所忌

更呂周年日數此事與古不同

通典一百

禮祇有忌日無忌月語若有忌月卽有忌時忌歲竝無理據

通典一百

四十七升平元年穆帝綽后太常禮官荀勗議又見舊唐書王方慶傳注

開陵太后服議

如鄭玄注則皇太后不應有服總謂今皇太后上奉宗廟下臨朝

臣宜有變禮不得準之常制

通典一百二永和十二年顧闳子祭酒荀勗議

改葬復虞議

虞安神之祭神已在廟改葬不應復虞虞則有主訥謂純言爲當

通典一百二尚書下開改葬應虞與不傳純難改葬安得虞闳子祭酒荀勗曰爲

荅蔡謨書

別示并曹主簿書其中兄在南娶喪亡已三年其兄子該等未曾

相見應爲服否記云生不及祖父母諸父昆弟而父稅喪已則否

先儒曰爲父異邦而生已不及祖在時歸見之故過時則不服也

記云不及而諸儒已爲不見文義各異然則不及當謂生不及此親在時也意謂音問既通情義已著雖未相見禮疑從重猶稅服

通典九

十八

荅劉糸之問爲殤後者服

劉糸之問荀訥禮喪服小記爲殤後者服已其服案鄭玄云言爲後據承之也殤無爲人父之道已本親之服服之案禮取後或可總麻之親或五服之內若如鄭旨各從本親則爲殤後者可有無服之理殤雖無爲人父之道今既承之不得不稱之爲父稱之爲父而無服之處喪卽情尋義無服之理有疑訥荅曰今相承繼在殤者旣沒之後主人近親皆已殤服服之疏族爲後更當斬縗三年輕重殊駁非稱情立文也且後大宗當爲祭主于先人輕降之服不可久廢祭祀若應重服者記當日服斬文約而旨明今之所服但非服重也當日爲後之故本施成人而不從殤耳

通典八
十二

答劉糸之問妻已沒爲妻父母服

劉糸之問荀訥曰禮云母黨不二服親無二統故也呂例準則妻黨不二服明矣然母有親繼之別又有出有卒故服外氏有降殺之禮今妻義一也無繼出之殊今服其黨孰先孰後訥答曰妻黨不二服禮所不載母黨有出有繼情事不同謂前妻雖卒終當同穴今妻配已理無異前不呂存亡爲異也且禮無其文當俱有服也或呂爲同于徒從妻沒則不從服若夫所不服妾何得于徒從君母之黨邪通典九十五

答韓康伯問居所後父喪有本親喪服

韓康伯問荀訥云有人奉其伯後服制未除復有本父喪當復應還所生兩處作喪位不若作塋室今當服斬先斬呂居塋邪答曰今身有所後重服未練雖有所生之喪無所改易既練則當服周布冠幘首經齊緩先喪既練已有塋室唯當服周呂居之耳不復

還本家作喪位韓重問既爲人後先服重制豈當有改然今要當
有時還本哭臨其本親赴弔不設喪位情爲不安可于本親兄弟
次作塋室歸來處之不苟重答意謂身有所後重服當不得復于
本兄弟廬室作塋室歸可設哭位而已通典九十七

答段凝問改葬服

段凝問嫡孫居父喪未練而改葬祖當何服又出養子居所生父
喪齊衰改葬合當何服荀訥云禮父母喪偕葬先輕後重謂便當
曰重服而葬也若服重可曰臨葬則爲人後者亦當著齊衰耳禮
無的文此意決耳通典一百二

馮懷

懷咸康中爲太常加侍中永和初爲護軍將軍

請議京兆府君遷主表

續太廟奉還于西儲夾室謂之爲祧疑亦非禮今京兆遷入是爲

四世遠祖長在太祖之上昔周室太祖世遠故遷有所歸今晉廟
宣皇為主而四祖居之是屈祖就孫也殷祫在上是代太祖也

禮志三咸康中

太常馮懷表

元會敬司徒議

天子修禮莫盛于辟雍當爾之日猶拜三老況今先帝師傅謂宜

盡敬

晉書荀爽傳

京兆府君遷主議

禮無廟者為壇已祭可別立室藏之至殷禘則祭于壇也

宋書禮志三永

和二

荅或問內外兄弟

或謂馮懷曰甲之母乙之姑乙之母甲之姑也世稱姑之子為外
兄弟舅之子為內兄弟此亦鄭君所言然甲乙之母俱姑也父俱
舅也內外相同親疏無異若甲曰姑子稱乙乙曰舅子稱甲則事

同名異丁理不通若相稱之辭同則名例爲乖懷對曰禮公子之外兄弟者外祖父母也左氏傳曰聲伯曰其外弟爲大夫所謂外弟蓋管子奚之子聲伯同母異父之弟也聲伯謂之異弟彼謂聲伯爲外兄然則異姓之親通謂之外不必謂吾外者吾謂之內也今稱舅子爲內兄弟末俗所云非典言也鄭意還舉俗言曰喻俗人故稱焉亦非正名矣依禮據傳甲乙相稱宜通曰外通典六十八

荅或問從舅是族外弟相稱

或謂馮懷曰丙之母丁之從祖姊也丁之母丙之族姑也丙年長于丁若從父族爲親則丙曰丁爲族外弟而丁曰丙爲從甥若從母族則丙曰丁爲從舅而丁曰丙爲從內兄名體乖謬尊卑無序若丙曰父族稱丁丁曰母族稱丙則例不通將若之何懷荅曰聞諸前訓名者人之綱故夫屬於父道其妻爲母夫屬於子道其妻爲婦今則姑是母班而兄弟是已列故不敢曰已之列廢母之班

矣謂丙宜執從舅之禮通典六十八

翟鏗

鏗咸康中為庾翼安西掾

甘露啟

甘露降學堂柳樹與幹吏共嘗味極甜宜表賀藝文類聚九十八

謝詮

詮咸康中太學博士

劉曇父與府主同名求解職議

案禮諸侯諱祖與父大夫士并諱伯父母及姑又父子之所天尊

無已比宜聽解職通典一百四右將軍王遐司馬劉曇父名遐求解職事博士謝詮議

荅東海國臣刺問為皇后服

恭皇后崩時東海國臣弘據刺問禮官大學博士謝詮案儀禮諸

侯之大夫為周王總纓至葬除有正文傳曰諸侯之大夫時接見

于天子也。至于周王后崩，無喪服之制。周王天下父，周后天下母，諸侯大夫宜服總纓，稱情爲得。通典八十一

又刺問云：昔元明二帝崩時，朝臣皆服斬纓。諸國臣總纓七月，今朝臣旣爲皇后齊周，則國臣宜有差降，不得亦總纓也。謝詮荅曰：總纓止于七月，故無降錯綜。記例亦謂應有服，正疑于無降耳。案伯叔母與伯叔父恩義有深淺，而服亦同齊。曾祖與宗子母妻服無差降，推此則何必皆降乎？將已取節于旣葬，故無等邪。通典同上

許乾

乾一作幹，咸康中太學博士。

劉曇父與府主同名，求解職議。

案禮：君子不奪人親，故孝經云：資父已事君而敬同。是已爲尊者諱，爲親者諱。曇自別父與將軍同名，聖朝垂恩，不許曇解，可使換官。通典一百四

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百三十一終

全晉文卷一百三十一

烏程嚴可均校輯

顧臻

臻咸康中爲散騎侍郎

請除雜伎樂表

臣聞聖王制樂讚揚治道養民仁義防其邪淫上享宗廟下訓黎民體五行之正音協八風以陶氣宮聲正方而好義角聲堅齊而率禮絃歌鐘鼓金石之作備矣故通神至化有率舞之感移風改俗致和樂之極末世之伎設禮舊唐志作方外之觀逆行連倒頭足入宮之屬皮膚外剝肝心內摧敦彼行葦猶謂勿踐矧伊生民而不惻愴如已四海朝覲言觀帝庭耳聆雅頌之聲目覩威儀之序而足已踴天道頭已履地紀反兩儀之順傷彝倫之大方今夷狄對岸外禦爲急兵食七升忘身赴難過泰之戲日稟五斗方壻神州

經略中甸。若此之事不可示遠。宜下太常。纂備雅樂。蕭韶九成。惟新于盛運。功德頌聲。永著于來葉。此乃詩所已燕及皇天。克昌厥後者也。雜伎而傷人者。皆宜除之。流簡儉之德。邁康哉之詠。清風既行。民應如草。此之謂也。愚管之誠。惟垂采察。晉書樂志下。宋書樂志一。舊唐書樂志二。御覽五百六十九。

謝沈

沈字行思。會稽山陰人。成帝時。郡召主簿功曹。察孝廉。太尉掾。鑒辟皆不就。會稽內史何充引爲參軍。已母老去職。康帝初徵爲太學博士。除尚書祠部郎。徙度支郎。遷著作郎。有尚書注十五卷。錄一卷。毛詩注二十卷。後漢書一百一十二卷。集十卷。

祥禪議

杜元凱注春秋左傳云。天子諸侯雖卒。哭除喪。至于當其練祥之日。必設位而哭。明不復禪也。且先朝故事。無有禪儀。蓋君子行禮。

不求變俗而博士徐禪意欲曰求六月二十二三大祥二十五六而禫三日之中衣服無異而立二節皆背先儀又非簡易之法也忌日舉哀如昔成制禮云除喪者卜其遠日避不懷也謂當擇月末曰還大祥除四起縞冠受曰白帨徙月後吉不宜立異屢改也仲尼曰三年之喪二十五月而畢哀痛未盡思慕未至然服已足斷者豈不送死有已復生有節也哉又云天地已易四時已變是曰象之而欲二十二三曰除縞弁二十五六曰禫哭禮玉藻曰縞冠素紕既祥之冠也所謂大祥而素縞麻衣也釋禫之禮云禫祭則黃衣立冠矣既祭乃服禫朝服縵冠踰月立端曰居復平常焉如士禮之條又無禫哭也且日時未改忌月未過便復常節恐非天王情禮大晉之典也今無受禫之服又無改易之祭三日之間哀樂不變而立無名之哭近背先帝畫一之美遠違仲尼殊月之說議曰詳案前儀則禮經云三年之喪自天子達雖有其說無聞

服制所引武王崩既葬成王冠襄王崩嗣王未再周賜齊侯胙皆
可爲明徵當呂萬機至繁百度須理如同臣庶喪制唯祀與戎多
闕漢文彌留之際不詳前代舊規深慮大政之廢遂施易月之令
若侯同軌畢至嗣君然後免喪俗薄風澆或生疊難執古道者則
云齊斬三年適權宜者遂稱曰易月禮經雖云七月而葬漢魏
已降多一兩月內山陵禮終窆窆之期不必七月除服之制止于
反虞魯史足徵可無致惑庶情理兩得政教無虧矣

又作謝沈官本
作謝沈官本

通典八十博
士謝沈議本

荅張祖高問

張祖高問謝沈曰諸侯祭五廟先諏日卜吉而行事爲祭五廟諸
畢邪案儀視殺延尸厥明行事晏朝乃闕五廟盡爾將終日不了
若異日未見其義沈荅曰五廟同時助祭者多晏朝乃闕季氏建
閭繇之呂燭雖有強力之容肅敬之心皆倦怠也子路爲宰與祭

室事交乎戶堂事交乎階晏朝而退孔子聞之曰誰謂由不知禮

通典四

十八

張祖高問士服天王云何要記唯道大夫服君及家臣服大夫耳不說士恐有脫誤鄭云士服君亦斬衰無明文而雜記云士居室此則士制周邪士下吏服士恐亦應同謝沈荅曰朝廷之士服天王斬衰禮之明文也邑宰外任之士居堊室制周要記非脫誤是簡略耳

通典八十一

荅王氏問

王氏問謝沈云祖父特進衛將軍海陵亭恭侯應立五廟不沈荅亭侯雖小然特進位高但諸侯也又問曾祖父侍御史得入特進恭侯廟不荅父爲士子爲諸侯尸已士服祭已諸侯之禮御史雖爲士應自入恭侯廟也

通典四十八

史廢遺

糜遺爲河南從事

爲出繼母不服議

夫禮緣人情而爲之制雖已義督親然實已恩斷義案繼母如母謂其在父之室事之猶母見育猶子故同之所生齊服下章云父卒繼母嫁從爲之服報此明父在繼母出則不服矣繼母出自他族與已無名從已配父有母之尊親撫養已故亦喪之如母及其出也既不終養育之恩又棄爲母之名若不從而見育則不服亦其宜矣

通典九十四

張虞

虞咸康中東陽太守累遷爲衛尉卿有集十卷

請旌孝子許孜疏

臣聞聖賢明訓存乎舉善褒貶所興不遠千載謹案所領吳監縣物故人許孜至性孝友立節清峻與物恭讓言行不貳當其奉師

則在三之義盡及其喪親實古今之所難咸稱殊煩致感猛獸弭害雖臣不及見然備聞斯語竊謂蔡順董黯無已過之孜沒積年其子尚在性行純慈今亦家于墓側臣已爲孜之履操世所希逮宜標其令跡甄其後嗣已疇旣往已獎方來陽秋傳曰善善及其子孫臣不達大體請臺量議

晉書孝友許孜傳

羅含

含字君章桂陽耒陽人爲州主簿郡功曹刺史庾亮已爲郢江夏從事後爲桓溫征西參軍轉州別駕又轉征西戶曹參軍遷宜都太守溫封南郡公引爲郎中令尋徵正員郎累遷散騎常侍侍中轉廷尉長沙相致仕加中散大夫卒年七十七有集三卷

荅孫安國書

孫盛字安國

獲書文略旨辭理亦兼情雖欣清醜未喻乃懷區區不已請尋前

本本亦不謂物都不化、但化者各自得其所化、類者亦不失其舊體、孰主陶是、載混載判、言口然之至分而不可亂也、如此豈徒一更而已哉、將與無窮而長更矣、終而復始、其數歷然、未能知今、安能知更、蓋積悲忘言、諮求所通、豈云唯慰聊已寄散而已矣、集五

更生論

善哉向生之言曰、天者何、萬物之總名、人者何、天中之一物、因此已談今、萬物有數、而天地無窮、然則無窮之變、未始出于萬物、萬物不更生、則天地有終矣、天地不爲有終、則更生可知矣、尋諸舊論、亦云萬兆懸定、羣生代謝、聖人作易、已備其極、窮神知化、窮理盡性、苟神可窮、有形者不得無數、是則人物有定數、彼我有成分、有不可滅而爲無、彼不得化而爲我、聚散隱顯、環轉于無窮之塗、賢愚壽夭、還復其物、自然貫次、毫分不差、與運泯復、不識不知、逝哉、邈乎、其道冥矣、天地雖大、渾而不亂、萬物雖眾、區已別矣、各自

其本祖宗有序本支百世不失其舊又神之與質自然之偶也偶有離合死生之變也質有聚散往復之勢也人物變化各有其往來有本分故復有常物散雖混淆聚不可亂其往彌遠故其復彌近又神質冥期符契自合世皆悲合之必離而莫慰離之必合皆知聚之必散而莫識散之必聚未之思也豈遠乎若者凡今生之生爲卽昔生生之故事卽故事于體無所厯其意與已冥終不自覺孰云覺之哉今談者徒知向我非今而不知今我故昔我耳達觀者所已齊死生亦云死生爲寤寐誠哉是言

釋藏車五
宏明集五

劉恢

恢爲丹楊尹有集二卷

園碁賦序

司空從事中郎庾仲初性好園碁終不達碁旨言文則觸類而生對局則冥然而窮何所解如後之易所礙如此之難哉

御覽七百
五十三

與范汪論婚事

禮非拜時拜時出于末世耳將已世族多虛吉事宜速故已好歲

拜時新年便可婚也

勅文類聚四十

劉惔

惔字真長沛國相人尚明帝女廬陵公主累遷丹楊尹

荅范汪問

中書郎范汪問劉惔曰從妹與荀始文婚已及好歲拜時又從叔父德度喪會叔親患危篤欲令荀氏迎從妹盡婦敬于夫氏已有此喪爲難故爲此議拜時出于近代將已宗族多虞吉事宜速故好歲拜新年便可迎也惡歲可迎是拜時已成婦也在塗之婦猶服夫氏況已交拜禮成便當迎是長還也惔荅云荀今從叔喪三月小功之服禮云小功之末可已納妻如此自可比初婚何疑

通典

酒箴

爰建上業曰康曰狄作酒于社獻之明辟仰郊昊天俯祭后土歆
禱靈祇辨定賓主啐酒成禮則彝倫攸序此酒之用也初學記二
十六又略

見書鈔一
百四十八

徐眾

眾咸康中爲黃門郎建元初進侍中

恭皇后大祥忌日臨哭議

案博士議恭皇后再周欲依三年之議至尊東堂舉哀羣臣詣陵
哭臣案禮爲王后服無三年之制左傳叔向云王一歲而有三年
之喪二焉謂三年而後娶達子之志耳禮喪大記曰祥而外無哭
者禫而內無哭者文子之喪旣除越人來弔受于廟門之外垂涕
洟而不哭明喪旣過無哭禮不詣墓而接于廟外今后服旣過至
尊無緣舉哀羣臣不應詣陵而哭也通典八
十一

駁王濛奔喪制

若如濛議見在官者已拘于制度不得奔赴至于既去雖不及哀臣子之情何得不暫致身哉臣謂喪紀雖過去職者故宜遠赴通典

八十咸
康中

論徐恩龍事

徐恩龍娶姨妹爲婦婦亡而諸弟已姨妹爲嫂嫂叔無服不復爲姨妹行喪右丞徐萬謂宜然今議者曰嫂無服不得爲姨妹服不解服之爲害義也爲傷情邪爲尊厭也所爲尊厭者父在爲母尊卑體異故可得厭耳今嫂妹一人之體兼此尊卑何所厭也齊衰衣各與大功之麻同皆兩服之所已敘親親之情今已嫂叔之嫌不爲姨妹制服絕親親之義傷恩昵之道殆非聖人爲服之本意乎徐彥難曰本雖中外姨兄弟之親一爲嫂叔便當曰公議厭私不爲尊卑之厭也眾曰女人外屬曰夫氏爲公已公厭不爲叔服

可也。叔曰：嫂是姨妹，復何公厭而不服邪？彥重難曰：若曰此服爲親，則不聞親服無報。又公義在于夫氏，豈在嫂邪？眾曰：就如難旨，制公在叔，不在嫂，雖有姨妹之親，就于公義，不得服之，猶可也。若叔有厭，則嫂無厭，雖姨妹爲嫂，必服之，爲叔之姨兄而見服，則姨爲嫂之姨妹，何獨不見服哉？若不相服，則絕此正親，豈聖人之意乎？苟姨妹得服姨兄，兄亦應服，何無報哉？彥重難曰：若姨妹爲嫂而爲之服，必也正名。將謂之何？眾荅曰：今姨妹爲嫂，何服者？曰：正名故也。言嫂則姨妹不從焉，言姨妹則嫂不與焉，名別若此，故可服也。嫂自無服，吾不爲之服，姨妹有服，吾爲之緦麻，吾自服姨妹，奚爲強謂之服嫂也哉？見嫂應拜，見姨妹不拜也。今嫂妹同體，今我自拜嫂而謂我拜姨妹，不亦惑哉？彥重難曰：彥曰爲姨妹爲嫂而不服者，正曰無復姨妹之名故耳。眾荅曰：不解姨妹爲嫂，便無復姨妹之名，削其氏族，滅其名號，邪爲變化分離，嫂畱而去妹邪？

爲我嫂者是姨妹也何不得兩全哉彥難曰若如告言嫂則姨妹不從言姨妹則嫂不從未審定言嫂邪言姨妹邪眾荅曰一人合兩親侶一人兼兩官當其事則舉其名曰應其義何拘曰一名一稱哉言嫂則拜之言姊妹則服之各有所施不曰此而滅彼耳彥曰平存許其稱嫂而拜則姨妹也至于亡歿便稱姨妹不拜則非復嫂也懼一人之心不得曰昨日平安爲嫂明日終亡爲姨妹也眾曰吾得存之與亡爲嫂爲妹不復異也爲我嫂故拜之是姨妹故服之情理自通何曰云拜便不得制服制服便不得拜乎彥重難曰若隨其名別其義則著服臨尸不復拜也眾荅曰見姨妹之尸不可曰不服臨亡嫂之喪不可曰不拜拜自爲嫂服施爲妹服隨其親拜應其名別其義斯之謂矣

通典九十五

論庾左丞孫見事

庾左丞孫見遭族父喪父已絕服又是姨弟見問當服不徐荅曰

爲當服右丞徐彥重難曰禮云尊祖故敬宗敬宗則收族收族者
序曰昭穆也何得曰姨弟之服加于宗父乎于情乃可無傷于義
實爲有當也眾答曰禮爲曾祖高祖三月又改葬緦麻服所尊又
臨至親之葬而服之最輕者豈損所尊之服乎今族父無服姨弟
有服自爲姨弟服何爲輕服服宗父乎難云于義有害者不解害
何義邪天生族父爲吾姨弟非吾貶退所爲何不敬宗之有族父
應拜而姨弟不應拜今族父爲姨弟今不可曰姨弟不應得拜而
不爲族父拜也猶不可曰族父無服而不爲姨弟服也若姨弟犯
過吾不顧族父與姨弟共身同體恕而容之此不可也于其死亡
曰姨弟服之正合禮記絕族無施服而親者屬文通典九十五

三國評臧洪爲郡將守死

洪敦天下名義救舊君之危其恩足曰感人情義足曰勵薄俗然
袁亦知己親友致位州郡雖非君臣且實盟主旣受其命義不應

貳袁曹方睦夾輔皇室呂布反覆無義志在逆亂而邀超擅立布
爲州牧其于王法乃一罪人也曹公討之袁氏弗救未爲非理也
洪本不當就袁請兵又不當還爲怨讐爲洪計者苟力所不足可
奔他國曰求赴救若謀力未展曰待事機則宜徐更觀釁効死于
超何必誓守窮城而無變通身死殄民功名不立良可哀也

注傳

魏志
臧洪

靳允母爲呂布所執而守范不去

允于曹公未成君臣母至親也于義應去昔王陵母爲項羽所拘
母曰高祖必得天下因自殺曰固陵志明心無所係然後可得成
事人盡死之節衛公子開方仕齊積年不歸管仲曰爲不懷其親
安能愛君不可曰爲相是曰求忠臣必于孝子之門允宜先救至
親徐庶母爲曹公所得劉備乃遣庶歸欲爲天下者恕人子之情
也曹公亦宜遣允

魏志程
昱傳注

先主假黃權偏將軍

權既忠諫于主，又閉城堅守，得事君之禮。武王下車，封比干之墓，表商容之閭，所已大顯忠賢之士，而明示所貴之旨。先主假權將軍，善矣。然猶薄少，未足彰忠義之高節，而大勸爲善者之心。蜀志黃權

注傳

顧雍斷呂壹獄

雍不曰呂壹見毀之故，而和顏悅色，誠長者矣。然開引其意，問所欲道，此非也。壹奸險亂法，毀傷忠賢，吳國寒心。自太子登陸遜已下，切諫不能得，是已潘濬欲同手劾之。已除國患，疾惡忠主，義形于色。而今乃發起令言，若壹稱枉邪，不申理，則非錄獄本旨。若承辭而奏之吳主，儻已敬丞相所言，而復原宥，伯言承明不當悲慨哉。懷敘本無私恨，無所爲嫌，故冒辱之，疾惡意耳。惡不仁者，其爲仁也。季武子死，曾點倚其門而歌，子皙創發，子產催令自裁，已此

言之雍不當責懷敘也

吳志顧雍傳注

全琮散父米數千斛曰贍吳士

禮子事父無私財又不敢私施所曰避尊上也棄命專財而曰邀名未盡父子之禮

吳志全琮傳注

是儀本姓氏曰孔融嘲改姓是

古之建姓或曰所生或曰官號或曰祖名皆有義體曰明氏族故曰胙之曰土而命之氏此先王之典也所曰明本重始彰示功德子孫不忘也今離文析字橫生忌諱使儀易姓忘本誣祖不亦謬哉教人易姓從人改族融既失之儀又不得也

吳志是儀傳注

是儀辨刁嘉罪

是儀曰羈旅異方客仕吳朝值讒邪殄行當嚴毅之威命縣漏刻禍急危機不雷同曰害人不苟免曰傷義可謂忠勇公正之士雖祁奚之免叔向慶忌之濟朱雲何曰尚之忠不諂君勇不懼讎公

不存私正不黨邪資此四德加之曰文敏崇之曰謙約履之曰和順保傅二宮存身愛民不亦宜乎

吳志是
僅傳注

鍾離牧讓楮

牧蹈長者之規問者曰如牧所行犯不不校又從而救之直而不有又還而不受可不謂之仁讓乎哉荅曰異乎吾所聞原憲之問于孔子曰克伐怨欲不行焉可曰爲仁乎孔子曰可曰爲難矣仁則吾不知也惡不仁者其爲仁矣今小民不展四體而認人之稻不仁甚矣而牧推而與之又救其罪斯爲讓非其義所救非人非所謂惡不仁者苟不惡不仁安得爲仁哉蒼梧澆娶妻而美讓于其兄尾生篤信水至不去而死直躬好直證父攘羊申鳴奉法盡忠于君而執其父忠信直讓此四行者聖賢之所貴也然不貴蒼梧之讓非讓道也不取尾生之信非信所也不許直躬之直非直體也不嘉申鳴之忠非忠意也今牧犯而不校還而不取可曰爲

難矣未得為仁讓也夫聖人曰德報德曰直報怨而收欲曰德報怨非也必不得已二者何從吾從孔子也

吳志鍾離牧傳注

周魴下髮

夫人臣立功効節雖非一塗然各有分也為將執桴鼓則有必死之義志守則有不假器之義死必得所義在不苟魴為郡守職在治民非君所命自占誘敵髮剔髮膚曰徇功名雖事濟受爵非君

子所美

吳志周魴傳注

徐禪

禪咸康中為博士永和初轉尚書郎累遷尚書左丞有集六卷上恭皇后大祥忌日臨哭事

太學禮官謂至尊行先后之喪亦同齊縗今再周及忌日無復祥變之事謂不可躬行臣案無經傳明文則不應出若晦日東堂舉哀由朝處參議而事無指條

通典八十一博士徐禪上恭皇后大祥忌日臨哭事

康帝收元告廟議

案魯文公之書卽位也僖公未葬蓋收元之道宜其親告不曰喪闕昔代祖受終亦在諒闇既正其位于天郊必告成命于父祖事莫大于正位禮莫盛于收元傳曰元始也首也善之長也故君道重焉謂應告通典五十五

康帝諱議

謹案輒關博士王質胡納許翰議案爾雅無舊訓非可造立五山之名取其大而高也其詩曰於皇時周陟其高山高山則岱衡華恆也周禮謂之五岳詩人謂之高下字無詁訓而有二名今若舉名別之宜曰高取義爲訓宜如前曰嵩通典一百四康帝諱岳是五山之大名

四府君遷主議

禮去祧爲壇去壇爲墠歲祫則祭之今四祖遷主可藏之石室有禱則祭于壇墠晉書禮志上宋書禮志三通典四十八永和二年

褚太后敬父議

臣聞成均之法導曰忠孝歷代同之故鄭立議王庭正君臣之禮私覲全父子之親是大順之道案先朝羊玄之羊后之父也公朝之敬躬秉臣節后之歸寧亦執子道雖無記注今朝士倘職而先蠶儀乃太康中事至惠帝之代在之便自不可同漢代四說之異歷代垂疑此論不成由來尚矣

通典六十七
永和九年

殷祭議

元興三年

春秋左氏傳曰歲祫及壇墠終禘及郊宗石室許慎稱舊說曰終者謂孝子三年喪終則禘于太廟曰致新死者也

通典四十九

非荀是虞議中山王陸立禰廟

愚等謂尊祖敬宗禮之所同若列國秩同則祭歸嫡子所曰明宗也嫡輕庶重禮有兼享所曰致孝也今譙王爲長既享用重祿中山之祀無曰加焉二國兩祭禮無所取詔書禁之是也詔稱安平

獻王諸子竝封不可各令立廟是荀賜之義美矣然虞謂中山父非諸侯而祭更闕疑如禮意也虞徵士荅衛將軍虞喜曰嫡爲大夫庶爲諸侯諸侯禮重應各立廟禪謂爲允矣喜曰尊同體敵恩情兩伸諸兄弟俱始爲諸侯命數無降今士庶始封之君尚得上祭四代不拘于嫡已貴異之況已尊同五等更嫌不得其均用豐禮竝祭四代所已寵之理非替宗此蓋先王已孝理天下肅恭明祀之達義也昔周公有王功魯立文王之廟鄭有平王東遷之勲特令祖厲是爲榮之非計享之祭在于周室魯鄭豈得過之哉通典五十一中山王睦乞立廟廟荀顗議曰爲中山王
宜各得立廟虞喜曰爲得兼祭徐禪非苟是虞
爲康帝改元告廟文

維建元元年正月甲子孝會孫嗣皇帝諱謹遣使持節兼大尉某官某甲敢昭告于皇祖高祖宣皇帝諱曰眇身屬膺明命爲兆人主惟神器之重夙夜祗厲夫首元正位改物承天先王之典刑建

國之大禮今改咸康八年爲建元元年享祖宗之保佑膺乾坤之休靈敢薦告事一元大武薌合薌萐嘉薦庶羞清滌清酌明告于

皇祖高祖宣皇帝穆皇后張氏尚享

通典五十五

張澄

澄咸康末侍中

駁蔡謨奏正會儀注

王者觀時設教至于吉凶殊斷不易之道也今四方觀禮陵有儗弔之位庭奏宮懸之樂二禮兼用哀樂不分體國經制莫大于此

晉書樂志下咸康七年三月杜皇后崩尚書蔡謨奏八年正會惟作鼓吹鐘鼓其餘伎樂盡不作侍中張澄給事黃門侍郎陳遠駁

爲又議

今大禮雖降事古于朝然儗弔顯于園陵則未減有哀禮服定于典文義無盡吉是曰咸靈之會有微樂之典實先朝稽古憲章垂

式萬世者也

晉書集
志下

許翰

翰咸康末爲博士

恭皇后大祥忌日臨哭議

案禮小記曰大功者主人之喪有三年者則必爲之再祭鄭玄云有三年者謂妻若子幼少也再祭謂練祥也凡人子之生必有天地父母之道故記有君薨而生子之禮今二皇子之育雖在恭后崩後于禮是爲有三年子幼少者也則必爲之有二祥之祭杜元凱云天子諸侯雖卒哭除服其練祥日必有位矣今皇子出承國蕃故王后喪諸侯卑不得爲主夫喪無主禮有正文至尊統天承重則爲主在聖躬也乃同先帝先后于考妣哀禮終于今晦吉禘始于來朔非人臣之所主也記云爲王后周服母之義虞書曰百姓如喪考妣三年遏密恭后母育天下臣子有喪妣之恩古門人

于師無服心喪三年祥日之哭所已終哀非服喪三年矣今聖代
不可守已循常之名例當博納同異斟酌而用焉

通典八十一

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百三十二

烏程嚴可均校輯

桓伊

伊字叔夜，小字野王，譙國鉅人。歷王濛、劉惔諸府及大司馬參軍，授淮南太守，進建威將軍，加督豫揚軍事。歷陽太守，封宣城縣子。進西中郎將，都督豫州諸軍事。豫州刺史，肥水之捷，呂功封永修縣侯。進號右軍將軍，遷都督江荆豫三州軍事。假節江州刺史，徵拜護軍將軍，卒。贈右將軍，加散騎常侍。諡曰烈。上馬具，褒步鎧表。

臣過蒙殊寵，受任西藩。淮南之捷，逆兵奔北，人馬器鎧隨處放散。于時收拾敗破，不足貫連。比年營繕，竝已修整。今六合雖一，餘燼未滅，臣不巳朽邁，猶欲輸效力命，仰報皇恩。此志永絕，銜恨泉壤。謹奉輸馬具、褒百具、步鎧五百領，竝在尋陽，請勒所屬領受。

晉書桓伊

傳

到江州上疏

江州虛耗加連歲不登今餘戶有五萬六千宜并合小縣除諸郡

逋米移州還鎮豫章

晉書桓伊傳

劉遐

遐爲尚書僕射永和初爲吏部尚書

見褚良傳

有集五卷

案晉書別有劉遐傳

非即此通典一百四右將軍王遐司馬劉曇父名遐未審即其人否

冬夏至寢鼓兵議

陽寶君道是已微陽初興慶其方盛寢鼓息兵不欲震盪也禮尊

無二若當助陰豈一之義何已明之彼月而蝕則惟其常此日而

蝕于何不減月蝕無救之道明矣

通典七十八

何熊

熊爵里未詳

冬夏至寢鼓兵議

二節陰陽升降之極會通交代之日二氣既接剛柔始分君子遠
慎諸物近慎諸己在冬欲靜在夏無躁百官靜事無刑已定寢鼓
息兵其宜合同張侯曰冬夏二至慎微不異左傳曰凡分至啟閉
必書雲物爲備故也所重所慎于是在矣周禮太僕掌贊王鼓救
日月亦如之左傳又曰日月亦如之又曰非日月之眚不鼓皆正經
也日長則賀君父道也下慶上會情交接也日短則不賀臣子道
也鼓曰動眾是日二至迎送同寢之也通典七十八

劉泓

泓爵里未詳

冬夏至寢鼓兵議

寢鼓不出經傳或曰漢興日蝕陰盛擊鼓助陽不應寢鼓也通典七十八
八明刻本作劉
弘今從官本

于瓚

瓚爲荊州刺史庾翼參軍翼卒後作亂爲長史江彪等所誅

陳節嚴事

夫嬉戲都名動相剝非爲治之本自今擣蒲擲馬諸不急戲宜一

斷之

藝文類聚七十
四引庾翼集

冬夏至寢鼓兵議

案漢制有冬至絕事不聽政之條而無夏至也曰此推之夏至不

應寢政事

通典七
十八

鄭瑤

瑤爵里未詳

冬夏至寢鼓兵議

尋冬至寢鼓之義雖無正文恐有由耳夫天之德貴生惡殺冬至少陽初發萌芽之漸欲省方奉順動靜之象曰應至道是日不省

方事安能鳴鼓後代擬議寢之非爲助陽也夏至少陰肇起殺氣
自興否剝將至大盛方來宜有鳴鼓開闢興兵駭旅施命四方詰
其逆兆已過小人方長之害一至之義否泰道異休戚有殊寢鼓
之政不宜同也若已夏至俗人所重文武可息之一日不可前三
後三等于是也

通典七十八

高嵩

嵩字茂玖小字阿飄廣陵人建元中爲何充揚州主簿轉驃騎
主簿舉秀才除太學博士拜中書郎遷黃門侍郎簡文輔政引
爲輔軍司馬累遷侍中

爲簡文致桓溫書草

寇難宜平時會宜接此實爲國遠圖經略大策能弘斯會非足下
而誰但已此興師動眾要當已資實爲本運轉之艱古人之所難
不可易之于始而不熟慮須所已深用惟疑在乎此耳然異常之

舉眾之所駭遊聲囁嚅想足下亦少聞之苟患失之無所不至或
能望風振擾一時崩散如其不然者則望實竝喪社稷之事去矣
皆由吾闇弱德信不著不能鎮靜羣庶保固維城所已內愧于心
外慙良友吾與足下雖職有內外安社稷保家國其致一也天下
安危繫之明德先存寧國而後圖其外使王基克隆大義弘著所
望于足下區區誠懷豈可復顧嫌而不盡哉

晉書高
嵩傳

荅庾家訪孝庾后服

皆準五屬爲夫人周

通典八十一孝后服庾
家訪服侍中高嵩荅

黃整

整永和初爲平越司馬有集十卷

羣臣敬太后父議

夫子有云必也正名乎王者象天后者象地爲兆庶父母尊莫重
焉厚莫大焉若已后尊宜敬于親于后父母也使應有敬錯之禮

典先無茲比。今皇太后臨統朝政。曰主上富于春秋耳。故事本尊之尊無復異也。且諸侯爲國藩翰。北面稽首。豈可得推崇爲太上邪。尋名定議。請不應施敬也。通典六十七

張憑

憑字長宗。吳國吳人。永和初。太常博士。累遷吏部郎。司徒左長史。御史中丞。有論語注十卷。集五卷。

四府君毀主議

或疑陳于太祖者。皆其後毀主。憑案古義。無別前後之文也。禹不先鯀。則遷主居太祖之上。亦可無疑矣。宋青禮志三

不拜顏子議

不拜顏子者。案學堂舊有聖賢之象。旣備禮盡敬。奉尼父曰爲師。而未詳顏子拜揖之儀。臣已聖者君道也。師者賢臣道也。若乃推堯舜禹于君位。則稷契與我並爲臣矣。師立風于洙泗。則顏子吾

同門也夫大賢恭已既揖讓于君德回也如愚豈越分于人師哉

是呂王聖佐賢而君臣之義著拜孔揖顏而師資之分同矣通典五十

二案此議通典附注于北齊事下當是采晉張憑議耳北齊未見有張憑也今姑編入晉文候再攷

妻已沒爲妻父母服議

徒從者所從亡則已案鄭玄曰謂君母之黨又云有從重而輕者

鄭玄曰妻之父母也然則從重而輕與徒從者本別禮天子諸侯

服妻之父母明其義重也若謂徒從服必同者則妻從夫明與夫

從妻其正對寧可復夫歿則已乎所據君母爲異者且外祖之服

本是親假而恩疏妻之父母本由義合通典九十五司徒符問

新蔡王招魂葬議

新蔡王所繼先王昔永嘉之難覆沒寇虜靈柩未返今求招魂靈

安厝謹案禮典無招靈之文若藏虛棺已奉終則非原形之實埋

靈爽于九泉則失事神之道懼非古人之情禮所未安也通典一百三

荅徐靈期間久喪未葬出適女除服

徐靈期間張憑云親喪未葬出適女應除否荅曰禮云久喪不葬主喪者不除又云主人不除此無緣獨施男子正嫡一人故當總謂男女眾子耳又無明文別言已出之女猶應除也今論者據已服周故謂宜從除例然緣情處意獨有所疑女隨外出降從周制至于居喪之例同于重者誠曰天性難可盡奪本重不得頓輕何必既降盡與周同禮者人情而已疑則從重若當釋縗經已處殯宮襲吉服已對棺柩非孝子之所安也

通典一百三

杜潛

潛永和中爲太常卿

荅司徒符問妻已沒爲妻父母服

司徒符問太常云若妻已沒猶應服其父母不太常杜潛等荅曰何已總從服也明伉儷判對恭承宗廟推此言之意謂不巳存亡

爲異也

通典九十五

孫欽

欽永和中爲博士

安平王薨廢祭議

禮有死于宮中闕一時之祀又案魏高堂隆議平原公主薨二月春祀不宜闕祭臣聞伯叔父同產昆弟庶子庶孫及次妃已下天子諸侯則降而不服于四時之祭無闕廢禮也漢文帝前代盛德之君也猶不忍已三年之喪妨廢孝享割損年月早葬速除追思祖考念在烝嘗所已重宗廟也且宮中有死者三月不舉祭傳發于緦麻三月之章天子諸侯周大功皆降而不服何緦麻之有乎誠亦儒者之迷誤也

通典五十二

陳達

達字林道潁川許昌人漢太丘長實七世孫永和中爲西中郎

將追贈衛將軍

見魏志陳羣傳注

與某書

十二月廿五日達白歲終感慘寒切足下何如遣不悉陳遠

清化閣帖

四題云陳朝陳達書釋文云晉西中郎將今檢陳書無此人晉書禮志中泰始未有博士陳達又穆帝紀永和五年有西中郎將陳達則其人也

史援

援永和中爲寧朔將軍中郎將

後漢史君頌

山嶽降精川瀆耀靈猗歟史氏世濟其英忠其允塞嘉猷有聲從容變理散誕飛纓含香青瑣敷奏丹庭有犯無隱唯言是聽王室斯賴諸侯已寧內侍帷幄外典專城爲政已德察獄已情化俗草偃溪谷風清金相玉質不隕厥名處溢不驕居勞不憚視險如夷忘身逐叛馴頌美魯青蒲安漢執簡書懋茲邪逃竄匪君之忠孰

能戡亂在昔隆漢姻婭皇家唯帝念功爵命屢加三台五鼎駙馬
奉車腰佩兩印綬帶雙緇何彼穠矣常棣之華如珪不玷似玉無
瑕節之曰禮儉而不奢篤生我侯英略備舉有藝有才能文能武
孝曰奉親忠惟衛主赤眉始結白波猶侮執銳破堅斬馘滅虜截
彼長蛇殲斯猾豎策賞廟堂書勳王府功成弗居名立不取簡在
帝心酬封祚土厥土惟何在溧之滸初食三千卒封萬戶葭莢揭
揭應鹿麋虞禾役旆旆原田膺膺俯營川陸魚鹽所聚蝗飛火滅
還珠去虎子民輯悅建茲城宇大厦耽耽聽政之所祠堂石殿生
靈攸處春秋分祭祠不阻景定建
康志

徐彥

彥永和中爲武昌太守有集十卷

隋志注作
徐彥則

與征西桓溫牋

蔡徐州薨主簿服斬王征北薨于京都王丞相時在喪庭徐州主

簿已服事諮公公謂輕重可依蔡族時北中郎劉公薨于淮陰州主簿相承持重至鄒太宰薨州主簿改服齊衰中興已來江南皆從之公卿已下至邑宰吏服其君齊衰則無從服之文而由來多有從服者陶大司馬遭兄子喪府州主簿從服時卞光祿經過自說爲太傅主簿太傅喪母已不從服此是用晉令也鄒太宰遭姊喪吏服爲疑鄒問譙秀言不應從服諸主簿仍便從服旣服君有親則服君便應重矣乃二公之薨府州主簿服齊衰通典九十九

孫略

略爵里未詳

大功降服議

伯叔父母姑姊妹皆夫家也妻體夫尊降其夫伯叔父母姑姊妹

小功妾賤不敢降也通典九十一

生不及祖父母不稅服議

記云不及祖謂不及竝代而不相服略昔親行其事時人咸不見

許

通典九十八

張祖高

祖高爵里未詳

難孫略大功降服議

妻爲夫之黨服降夫一等夫之姑姊妹宜小功妾服君之黨得與

女君同豈已貴賤之故而異之縱妻之貴而可已略君之姑姊妹

者則應妾服每當與君同也君之爲父母三年妾何已無其制乎

通典九

十一

季祖鍾

祖鍾爵里未詳

追駁步熊議不爲前妻父母服

步熊曰妻死更娶爲前妻父母服不答此皆徒從服耳所從亡則

已不服也。季祖鍾駿曰：夫婦應屬從也。又夫婦合葬皆爲妻妻之父母，不得不服也。通典九十五

王冀

冀爲太常

出後者爲本父母服議

案喪服云：爲人後者，爲其父母持重于大宗者，降其小宗也。案經傳爲人後者，固自降其親也。所已降其親者，已受重于大宗，必爲所後之父服斬，故也。制其體例，若受重于大宗而不爲所後之父服斬，則自非輕。所謂爲人後者之義也。凡既受命出爲人後而不爲所後之父制服，服固非禮也。還爲其親斬，亦非禮也。均其失，寧居過重，無居過輕。故失恩由義，厭情爲禮。是已五服之疏屬，有相爲重者矣。天性之父子，有相爲輕者矣。屈伸進退，有自來也。今奉議則不爲所後之父服，崇恩復不成，所生之喪一者並闕，未知其

詳將何所居且傳敘經意但爲既後大宗無二斬之道非不斬之制也談者不疑爲後而不爲所後制服爲非禮乃爲反服其親爲傷教斯蓋惑之大者也若不服所後之父復抑其反崇本恩則是凡爲後之子可有不服三年之口也愚謂爲後之子及所後服重則宜如禮降其所生若不及爲所後制服則宜還爲其親服斬衰之義例卽知人心在可通矣

通典九十六

荅問

問曰其兄是嫡長家有封代弟是庶生遭所生艱先已第二兒後其嫡兄嫡兄早卒其兒于家爲是小宗否荅曰記云別子爲祖繼別爲宗繼嗣爲小宗今此兒乃係數代嫡伯父所承若是別子則爲大宗百代不遷者也所承若是係嗣則爲小宗五代則遷者也小大之名係之伯父此非兒之謂也

通典七十三

荅訪

某國中尉虞某

原注案本論無國名亦無虞名

訪太常王冀云臺贈國王第二郎

年在殤爲世子臣當有服不冀云禮無從君服殤之文夫臣從君

而服已其體尊承緒非繼成人與殤也苟爲代嫡君爲之服則臣

已何而不從服乎若已禮無文者亦可不服長子之下殤也

通典八十

二

荅劉系之問

系之爲宣城內史梁有集五卷

凡不繼大宗而立後及爲後而不爲所後制服皆非禮也然據已

爲後則不得不後爲後之制若庶子立後不繼祖宗已服無重可

傳亦何居而不服庶子若先受重承事則制有疑謂當與庶祖母

同

通典九十六

劉系之問爲庶祖母服經無其文不知爲有服不王冀荅曰庶祖

母服經誠無文然亦無不服之制已情例推之謂自應服何已言

之禮妾子父沒爲母伸三年子旣得伸孫無由獨屈假令嫡祖在

禮婦人不厭則無復所屈案禮唯有祖母文無嫡庶之別蓋以明
尊尊之義而人莫敢卑其祖也禮記云爲慈母後者爲庶母可也
爲庶祖母可也此謂父妾無子父命子爲之後或子或孫唯其班
第既受命爲後則服之無嫌由此言之妾之無後而託後于人者
猶爲之服況親子之孫而可有不服之義耶制服爲允通典九十八

庾統

統爲尋陽太守有集八卷

案隋志誤作庾純

三人讚

運邁屯凶三孤丞立離禽嬰鳴邈近同集式穀既熟和饗具翕肇
彼遠歧泯焉齊入初學記十七

朱明張臣尉讚

詩詠張仲今也朱明賴財敦友衣不表形寡妻屏穢棠棣增榮臣
尉邈然醜類感誠初學記十七

韓伯

伯字康伯，潁川長社人。簡文居藩，引為客。歷仕司徒左西屬、轉撫軍掾、中書郎、散騎常侍、豫章太守，入為侍中。領中正，轉丹楊尹、吏部尚書、領軍將軍，改授太常，未拜卒。贈太常。有周易繫辭注二卷，集十六卷。

議周勰

拜下之敬，猶違眾從禮，情理之極，不宜已多。比為通晉書韓伯傳

謝安主簿居喪廢禮崇尚莊老脫落名教伯領中正不通經議

為或人荅殷靈符問

昔亡伯喪未除而祖母見背，從兄不廢父喪主而為祖母居廬，郊

太尉來弔，不己為非禮也。通典九十七

辯謙論

夫尋理辯疑，必先定其名分所存，所存既明，則彼我之趣可得而

詳也。夫謙之爲義存乎隆已者也。已高從卑，已賢同鄙，故謙名生焉。孤寡不穀，人之同惡，而侯王已自稱降其貴者也。執御執射，眾之所賤，而君子已自目降其賢者也。與夫山在地中之象，其致豈殊哉？捨此二者而更求其義，雖南轅求冥，終莫近也。夫有所貴，故有降焉；夫有所美，故有謙焉。譬影響之與形，聲相與而立，道足者忘貴賤，而一賢愚體公者，乘理當而均。彼我降挹之義，于何而生？則謙之爲美，固不可已。語至足之道，涉乎大方之家矣。然君子之行已，必尚于至當，而必造乎匿善。至理在乎無私，而動之于降已者，何誠由未能一觀于能鄙，則貴賤之情立，非忘懷于彼我，則私已之累存。當其所貴在我，則矜；值其所賢能之則伐。處貴非矜，而矜已者，常有其貴言善非伐，而伐善者，驟稱其能，是已知矜貴之傷德者。故宅心于卑素，悟驟稱之虧理者，故情存乎不言。情存乎不言，則善斯匿矣。宅心于卑素，則貴斯降矣。夫所況君子之流，苟

理有未盡情有未夷存我之理未冥于內豈不同心于降挹洗之
所滯哉體有而擬無者聖人之德有累而存理者君子之情雖所
滯不同其于遣之緣有弊而用降已之道由私我而存一也故懲
忿窒欲著于損象卑已自牧實繫謙父皆所已存其所不足拂其
所有餘者也王生之談已至理無謙近得之矣云人有爭心善不
可收假後物之迹已逃動者之患已語聖賢則可施之于下斯者
豈惟逃患于外亦所已洗心于內也

晉書韓伯傳

王述碑

述遷會稽太守淮海維揚皇基所託此蓋關河之重複泱泱大邦

文選沈約齊安陸王碑文注又任昉齊竟陵文宣王行狀注

賜進士出身二品銜廣東等處提刑按察使司按察使兼管驛傳事務黃岡王毓漢校刊

全晉文卷一百三十三

烏程嚴可均校輯

曹耽

耽永和中爲太學博士升平中遷尙書郎後爲安北諮議參軍
有禮記音二卷

上表自理

臣聞居喪之禮貴賤不同禮臣爲君斬衰仕焉而已爲舊君齊衰
爵祿旣絕朝見旣替蓋已疏賤于親貴故降其制也又國喪儀注
居職者朝夕臨去職者朔望臨禮哭泣之節各稱其服哭輕則服
不得重據令去職之臣朔望哭宜爲舊君服齊衰是已臣前率而
行之不敢有加臣服齊衰哭臨殿庭踰月歷旬外內監司莫之或
譏及至梓宮將幸山陵諸官來赴服斬者多此皆意存于重而不
原于制遂使親疏貴賤無有等差曾參欲勿除父母之喪仲尼患

其過制今去官者服在官者之服固為過制非聖哲所許而不推

古今正禮難臣若難者有證臣對無據甘受違制通典九十穆帝

耽等奔赴皆服齊縗治書侍御史喻希表彈其失禮博

士孔恢等議請免耽等所覆除官耽上表自理云云

開陵皇太后服議
為人後者為之子元帝繼武帝于景帝為曾祖禮為曾祖後斬衰

三年小記與諸侯為兄弟者斬衰則無齊皇太后宜正服斬衰改

葬當總鄭注止于臣子妻王氏通謂三年者王氏近情則宜總通典

一百一永和十二年修復峻平四陵大使開陵表至尊及

百官皆服總尚書符問皇太后應何服博士曹耽胡詡議

司空蔡謨諡議
謨可謂善始令終者矣案諡法布德執義曰穆通典一百四

陳畱王勵廢疾求立後議

春秋之義後立子曰貴不曰長蓋曰為宗廟主故也晉公族穆子

有廢疾曰讓其弟衛襄公嗣子縶足不能行立其弟晉衛皆廢嫡

立庶者明臣之義終無執祭朝見之明已之居位違犯情禮故也
禮有故使人攝祭非終身疾者勵爲君王故事未有諸侯已疾去
國成比通典七十四

胡訥

訥永和末太學博士

婚不舉樂議

臨軒儀注無施安鼓吹處所又無舉麾鳴鐘之條通典五十九升平元年八月符

問迎皇后大駕應作樂不博士胡訥議

陳畱王廢疾求立後議

孟紱立弟異于陳畱二王之後禮不宜廢通典七十四升平元年

袁矯之

矯之穆帝時太學博士

荅臺符問小功服成婚

案公主于二王屬為姑二王出為人後主又出適今應降服小功然本是周親雖降而為疏本親情重公主方當始薨而疑可婚與不通典六十臺符廬陵公主薨琅邪東海二王于禮為應得婚與不太學博士袁濟之云云許穆

穆升平中為倉部郎

太宰武陵王為所生母服議

母曰子貴王命追崇夫人視公爵秩比諸侯凡諸侯之禮服斷有親曰國內臣妾並卑故也姑姊妹女子子嫁于諸侯則各曰其服服之尊同故也卑則服闋尊則禮行太宰封王繼于蕃國出離其本仰無所厭夫人諸侯班爵不殊緣天然之恩伸王子之厭薄出禮之降服周可也通典八十二

崧重

重升平中為吏部郎

太宰武陵王爲所生母服議

攷之禮文太宰應服齊衰周今曰春秋條例曰廣其喻母曰子貴庶子爲君母爲夫人薨卒赴告皆曰成禮不行妾母之制夫人成風是也此則身爲父後服應總麻猶曰子貴得遂私情經有明文三傳不貶況于太宰貴同古例不爲父後者邪且禮有節文因革不一自漢曰來皇子皆爲始封君始封君則私得伸設令太宰不出後必受始封服無厭降出後降一等復何嫌而不周乎

通典八十二

曹處道

處道升平中爲祠部郎

太宰武陵王爲所生母服議

禮庶子爲父後爲其母總與尊爲體不敢伸恩于私親爲人後曰所後爲父亦是尊者爲體其所生母俱是私親爲父後及爲人後義不異

通典八十二

謝奉

奉升平中爲尚書

太宰武陵王爲所生母服議

案禮爲人後者三年必已尊服服之庶子爲人後爲其母服總傳曰何已總與尊者爲體不敢服其私親禮唯大宗無繼支屬之制太宰出後武陵受命元皇則纂承宗廟策名有在禮制旣明豈容二哉夫禮有仰引而違情者故有君服而廢私喪屈伸明義非唯一條所謂已義斷恩況貴賤之禮旣正豈得不幸禮而矯心當依庶子爲後之例服總而已

通典八十二昇平中太宰武陵王所生母喪表乞齊縗三年詔聽依昔樂安王

故事制大功九月尚書謝奉議

立琅邪王議

太常位次自己君道相承至是昭穆之統禮兄弟不相爲後明義也今應上繼康帝意謂不疑此國之大事將垂之來代

通典八十

又議

五帝之道曰天下爲公唯德與賢不私其親逮殷周則繼代承業雖百王迭逮而典謨不易所曰鎮係人心閑邪息亂今大晉宗祀配天成帝疾痛皇嗣幼冲深惟社稷遷于康皇軌同唐虞高義大行天祚不永還嗣本位攷之先典求之人情咸謂主上應繼成帝

通典

八十

居重喪遭輕喪議

夫孝子之處喪服勤三年不懈不息情思所主無不在曾子問三年之喪可曰弔乎孔子曰三年之喪練不羣立不旅行君子禮已飾情三年之喪而弔哭不亦虛乎蓋曰爲彼興哀則不專于所重也而禮云卒哭旣練遭周大功之喪皆隨所服而變代行喪者咸從此制竊有所恨夫人子之道天屬之恩可謂重矣終身之憂非一朝可消故有祥練而爲其極夫曰資于事父之頃在公尚有奪

私服之制況兼愛敬之重而更絕于茲屬乎奔喪之禮赴哭輒備其經帶歸于本宮卽反正服于權宜兼通庶可知無大過矣通典九十七

與郗愔牋

魏隣後來之良足日日新其美近聞邑有異議從弟異亦當拜時婦家遭喪卽是其例夫拜時之禮誠非舊典蓋由季代多難男女宜各及時故爲此制已固婚姻之義也雖未入壻門今年吉辰拜後歲俗無忌便得已成婦迎之正已策名委質有定故也通典五十九太和中平北將軍郗愔上言功曹魏騰周懷內迎婦拜時奉與郗牋

江夷

夷升平中爲太常見通典八十二晉末別有江夷宋書有傳非卽此

止琅邪王議

夫大道之行天下爲公成皇帝捨肩嫡之愛而義重天倫道崇先

代康皇帝祇承明命正統既移至尊應繼康皇帝嗣

通典八十升平五年五月

穆帝崩皇太后令立取邪王丕太常臣夷等五人議

李闢

闢字弘模江夏人

右光祿大夫西平靖侯顏府君碑

君諱含字弘都琅邪臨沂人春秋已降戰國已前賢智比肩備于載策昭穆次序上至顏燭漢末喪亂舊譜淪亡自青州使君已上不復詳具祖欽給事貞侯父默汝陰太守學素相承有聲邦黨君幼稟貞粹長而好古睦親之舉發于羈貫每讀書見孝友通靈之事輒悽然改容已爲人神相與何遠之有但患人心澆僞自絕于神耳苟能無曰僞雜貞神其舍諸修己立誠盡歡就養訓行闡門義達州里久要心許之信夷險不爽正冠納履之嫌終始不陷兄畿患亡更生君秉絕人事蓬首屏氣已就哈養者十有三年次

繁欽孫老而失明。合藥須髻。蛇膽有青衣童子持囊授君。出戶化成青鳥飛去。本州辟不就。鎮東琅邪王參軍事。過江累遷東閣祭酒。朝議謂君正性端素。學行通深。有命太子中庶子。轉黃門侍郎。本州大中正。封回車縣侯。轉侍中。吳郡太守。事停還。除侍中國子祭酒。加散騎常侍。光祿勳。已年遜位。就加右光祿大夫。門施行馬。特賜牀帳被褥。四時致膳。固辭不受。馮懷欲爲王導降禮。君不從曰。王公雖重。故是吾家阿龍。君是王親丈人。故呼王小字。王處明君之外弟。爲子允之求君女婚。桓溫君夫人從甥也。求君小女婚。君竝不許曰。吾與茂倫于江上相得。言及知舊。拔淚敘情。茂倫曰。唯當結一婚姻耳。吾豈忘此言。溫負氣好名。若其大成。傾危之道。若其闕敗也。罪及姻黨。爾家書生爲門。世無富貴。終不爲汝樹禍。自今仕宦不可過二千石。闕婚嫁不須貪。世位家時議者曰。君審裁。將已應軍司之選。君遽告蔡謨曰。非此輕舉所宜。尸忝竭逆。

方熾當保國養民已俟事會想愛人已禮宜寢此言王相聞之卒
不授督統之任謨秉君此言終不唱討賊之計在朝正立不昵權
豪及致仕退居長子髦解職視膳中子議躬率田桑中外莫不取
給閨門靜軌廿餘年九十三薨遺命素棺薄斂吉凶官飾一無施
列天子嗟悼詔賜墓田諡曰靖侯禮也停柩在殯鄰家失火三子
抱慙號惶分同灰燼焱爛垂及歛然頓滅論曰君平生素行既感
達幽靈終殯在堂又獲福異豈神祇保佑已顯愍德乎聞託姻顏
氏頗識舊聞與君二子髦約採集言行而著此傳景定建康志

喻希

希字益期豫章人升平末爲治書侍御史累遷至將作大匠有
集一卷

與韓豫章牋

案韓康伯爲豫章太守

馬伏波昔開道舊跡鑿石猶存

北堂書鈔一百二十八御覽七百七十一

馬文淵昔立兩銅柱于林邑岸此有遣兵十餘家不反居寧壽靈
岸南對銅柱悉姓爲馬自爲婚姻有三百戶交州呂流寓號曰馬
流言語飲食尚與華夏同山川移易銅柱今沒在海中正賴此民

呂識故處

御覽一百
八十七

林邑有鳥名歸飛

御覽九百
二十八

惟檳榔樹最南游之可觀子旣非常木亦特異溫交州時度之大
者三圍高者九丈葉聚樹端房構葉下華秀房中子結房外其擢
穗侶禾其綴實侶穀其皮侶桐而厚其節侶竹而概其中空其外
勁其屈如覆虹其申如繩繩本不大未不小上不傾下不邪調直
亭亭千百若一步其林則寥朗庇其陰則蕭條信可已長吟可已
遠想矣但性不耐霜不得北殖必當遐樹海南遙然萬里弗遇長
者之目自令人恨深嘗對飛鳥戀土增思寄意謂此鳥其背青其
腹赤丹心外露鳴情未達終日歸飛飛不十千里餘萬里何由歸

哉水經溫水注藝文類聚八十七御覽九百七十一

有清漿數斗懸于長木之端終不乾故為小異御覽九百七十二

外國老胡說眾香共是一木木花為雞舌香木膠為熏陸木節為

青木香木根為旃檀木葉為霍香木心為沈香御覽九百八十一又九百八十二引

五條

康泓

泓爵里未詳有道人單道開傳一卷

單道開傳贊

肅哉善人飄然出羣外軌小乘內賜空身立象暉曜高步是臻餐

茹芝英流浪巖津高僧傳九法苑珠林五十九十六國春秋二十一

伏滔

滔字玄度平昌安丘人州舉秀才辟別駕皆不就大司馬桓溫

引為參軍後為征西桓豁參軍領華容令太元中拜著作郎專

掌國史領本州大中正遷遊擊將軍有集十一卷

望濤賦

若夫金祗理轡素月告望宏濤于是鬱起重流于是電驤起沙渚而迅邁觸橫門而剋壯灌江津而砰礚鼓赤岸而激揚鬱律煙騰隗兀連罡重疊巘而天竦洞湍澌而起漲

藝文類聚九

長笛賦

井序

余同僚桓子野有故長笛傳之耆老云蔡邕之所作也初邕避難江南宿于柯亭柯亭之觀曰竹爲掾邕仰而眄之曰良竹也取曰爲笛奇聲獨絕歷代傳之已至于今

後漢蔡邕傳注北堂書鈔一百一十一藝文類聚九十初學記十

靈禽爲之婉翼泉禽爲之躍鱗遠可已通靈達微近可已寫清暘

神達足已協德宣猷窮足已怡志保身兼四德而稱雋故名流而

器珍

初學記十六引兩條

登故臺詩序

夫差姑蘇臺東有丹湖萬頃內有金銀塘

御覽六十六

正淮論上

淮南者三代揚州之分也當春秋時吳楚陳蔡之與地戰國之末楚全有之而考烈王都焉秦并天下建立郡縣是爲九江劉項之際號曰東楚爰自戰國至于晉之中興六百有餘年保淮南者九姓稱兵者十一人皆亡不旋踵禍溢于世而終莫戒焉其天時歟地勢歟人事歟何喪亂之若是也試商較而論之夫懸象著明而休徵表于列宿山河衿帶而地險彰于丘陵治亂推移而興亡見于人事由此而觀則兼也必矣昔妖星出于東南而弱楚已亡飛孛橫于天漢而劉安誅絕近則火精晨見而王凌首謀長彗宵暎而母丘襲亂斯則表乎天時也彼壽陽者南引荆汝之利東連三吳之富北接梁宋平塗不過七日西援陳許水陸不出千里外有

江湖之阻內保淮肥之固龍泉之陂良疇萬頃舒六之貢利盡蠶
越金石皮革之具萃焉苞木箭竹之族生焉山湖藪澤之隈水旱
之所不害土產草滋之實荒年之所取給此則係乎地利者也其
俗尚氣力而多勇悍其人習戰而貴詐僞豪右并兼之門十室而
七藏甲挾劍之家比屋而發然而仁義之化不漸刑法之令不及
所已屢多亡國也昔考烈已衰弱之楚屢遷其都外迫彊秦之威
內遭陽申之禍逃死劫殺二世而滅黥布呂三雄之選功成垓下
淮陰旣囚梁越受戮嫌結震主之威屢生同體之禍遂謀圖全之
計庶幾後亡之福眾潰于一戰身脂于漢斧劉長支庶奄王大國
承喪亂之餘御新化之俗無德而寵欲極禍發王安內懷先父之
憾外眩姦臣之說招引賓客沈溺數術藉二世之資恃戈甲之盛
屈彊江淮之上西向而圖宗國言未絕口身嗣俱滅李憲因亡新
之餘袁術當衰漢之末負力幸亂遂生僭逆之計建號九江稱制

下邑狼狽奔亡傾城受戮及至彥雲仲恭公休之徒或憑宿名或
怙前功握兵淮楚力制東夏屬當多難之世仍值廢興之會謀非
所議相係禍敗祖約助逆身亡家族彼十亂者成乎人事者也然
則侵弱昏迷已至絕滅亡楚當之恃疆畏逼遂謀叛亂黥布有焉
二王遘逆寵之之過也公路僭僞乘釁之盜也二將已圖功首難
士少已驕矜樂禍本其所因考其成跡皆寵盛禍淫福過災生而
制之不漸積之有由也

晉書伏
滔傳

正淮論下

昔高祖之誅黥布也撮三策之要馳赦過之書乘人主之威已除
逆節之虜然猶決戰陳都暴尸橫野僅乃剋之害亦深矣長安之
謀雖兵未交于山東禍未徧于天下而馳說之士與閭境之人幽
囚誅放者亦已眾矣光武連兵于肥紆魏祖馳馬于斬苦而廬九
之閒流溺兵凶者十而七八焉夫王淩面縛得之于阶石仲恭接

刃成之于後覺也。而高祖已之宵征，世宗已之發疾，豈不勤哉！文
皇挾萬乘之威，杖伊周之權，內舉京畿之眾，外徵四海之銳，雲合
雨集，推鋒已臨淮浦，而誕欽晏然。方嬰城自固，憑軾已觀王師。于
是築長圍，起勢櫓，高壁連塹，負戈擊柝，已守之。自夏及春，而後始
知亡焉。然則屠城之禍，其可極言乎？約之出奔，淮左爲墟。悲夫！信
哉魯哀之言。夫生乎深宮，長于膏粱，憂懼不切于身，榮辱不交于
前，則其仁義之本淺矣。奉已南面之尊，籍已列城之富，宅已制險
之居，養已眾彊之盛，而無德已臨之，無制已節之，則厭溢樂禍之
心生。夫已昏主御姦臣，利甲資堅城，僞令行于封內，邪惠結于人
心，乘閒幸濟之說，日交于側，猾詐錮咎之羣，各馳于前。見利如歸，
安在其不爲亂乎？況乘舊寵，挾前功，畏逼懼亡，已謀圖身之舉者，
望其俛首就羈，不亦迂哉！易稱履霜，堅冰，馴致之道，蓋言漸也。嗚
呼！斯所已亂臣賊子，亡國覆家，累世而不絕者歟！昔先王之宰天

下也。選于有德，訪之三吏，正其分位，明其等級，畫之封疆，宣之政令，上下有序，無僭差之嫌。四人安業，無并兼之國。三載考陟，功罪不得逃其跡。九伐時修，刑賞無所謬其實。令之有漸，軌之有度，寵之有節，權不外授，威不下黷。所已杜其萌際，重其名器，深根固本，傳之百世。雖時有盛衰，弱者無所懼其亡，道有廢興，彊者不得資其弊。夫如是，將使天下從風，穆然軌道，慶自一人，惠流萬國，安有向時之患哉？

音書伏
滔傳

論青楚人物

滔曰：春秋時，鮑叔管仲、隰朋、召忽、輪扁、甯戚、麥丘人、逢丑父、晏嬰、涓子、戰國時，公羊高、孟軻、鄒衍、田單、荀卿、鄒奭、莒大夫、田子方、檀子、魯連、滔于髡、盼子田光、顏歆、黔子於陵仲子、王叔、卽墨大夫。前漢時，伏徵君、終軍、東郭先生、叔孫通、萬石君、東方朔、安期先生。後漢時，大司徒伏三老、江革、逢萌、禽慶、承幼子、徐防、薛方、鄭康成、周

孟王劉祖榮臨孝存待其元矩孫賓碩劉仲謀劉公山王儀伯郎
宗禰正平劉成國魏時管幼安邵根矩華子魚徐偉長任昭先伏
高陽此皆青士有才德者也鑿齒曰神農生于黔中邵南詠其美
化春秋稱其多才漢廣之風不同雞鳴之篇子文叔敖羞與管晏
比德接輿之歌鳳兮漁父之詠滄浪漢陰丈人之折子貢市南宜
僚屠羊說之不爲利回魯仲連不及老萊夫妻田光之于當有屈
原鄧禹卓茂無敵于天下管幼安不勝龐公龐士元不推華子魚
何鄧二尚書獨步于魏朝樂令無對于晉世昔伏羲葬南郡少昊
葬長沙舜葬零陵比其人則準的如此論其土則羣聖之所葬攷
其風則詩人之所歌尋其事則未有赤眉黃巾之賊此何如青州
邪滔與相往反鑿齒無已對也世說言語篇
注引酒集

帝堯功德銘

胡書龜歷之文

御覽九百三十一
引任昉述異記注

伏系之

系之滔子歷黃門郎侍郎侍中尚書光祿大夫有集十卷

雪賦

結陰凝雪皎如帔素

御覽十二

秋懷賦

于是景宇肅澄風高木斂淒風夕衰零露晨湛澤收潤而草枯葉
蹶墜而庭掩鴈偕來已希陽驚遊逝而投險豈微物之足懷傷積

齡之告漸

藝文類聚三

曹弘之

弘之哀帝初博士

立秋讀令議

立秋御讀令不應緇曠求改用素

宋書禮志五

劉玠

玠爵里未詳

荅王徽之問廢疾兄女服

王徽之問劉玠廢疾兄女服記云其夫有廢疾又無子傳重者舅爲之服小功又云長子有廢疾降傳重也此二條皆曰其廢疾降嫡從庶謂如此雖非嫡長而有廢疾既無求婚許嫁理且慶弔烝嘗皆不得同之于人不知當制服不劉玠荅若嫡子有廢疾不得受祖之重則服與眾子同在齊衰蓋已不堪傳重故不加服非已廢疾而降也子婦之服例皆小功曰夫當受重則加大功若夫有廢疾則居然小功亦非降也喪服經齊衰章爲君之祖父傳曰從服也鄭注曰爲君有祖之喪者祖有廢疾不立也從服例降本親一等君服斬故從服周唯孫不敢降祖此亦是廢疾不降之一隅也

通典一百一

蔡毋邃

窀穸里未詳有孟子注七卷

駁尚書奏章太妃服

父子不繼祖禰故妻得伸皇姑夫人致齋而會于太廟后服不踰

至尊亦當總麻也

通典九十五哀帝與宣中哀帝皇后有章太妃之喪尚書奏至尊總麻三月皇后齊縗案周

禮有後輕而服重公子爲公所厭故不得申舅不厭婦故得呂本服蔡母遂敗

王崑

崑太和末爲博士

庾家爲孝庾后服議

五服之內一同臣妾宜準小君服周

通典八十一孝后崩庾家訪服博士王崑議

鄭彌

彌爵里未詳

庾家爲孝庾后服議

諸婦宜從夫若其夫自同人臣婦亦宜同于人之妻與王后無準

雖欲盛賦于大典有關

通典八十一

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百二十三終